



**Frist: 2023-03-24**

### Mål for denne øvinga:

- Lære om operatorar og interaksjon mellom klasser av ulike typar.
- Lære å implementere og å bruke klasser.
- Lære å bruke enkle klasser for eit enkelt grafisk brukargrensesnitt (GUI).
- Lære å bruke peikarar
- Lære å bruke `unique_ptr` og `shared_ptr`

### Generelle krav:

- Bruk dei eksakte namn og spesifikasjonar gjeve i oppgåva.
- Teorioppgåver svarar du på med kommentarar i kildekoden slik at læringsassistenten enkelt finn svaret ved godkjenning.
- **Denne øvinga skal implementeras utan hjelp frå `std_lib_facilities.h`.**
- 70% av øvinga må godkjennast for at den skal vurderast som bestått.
- Øvinga skal godkjennast av stud.ass. på sal.
- Det anbefalast å nytte ein programmeringsomgjevnad (IDE) slik som Visual Studio Code.

### Tilrådd lesestoff:

- Kapittel 17, 19.5.4 og 19.5.5 i PPP
- [Dokumentasjon](#) til `AnimationWindow`.

## DEL 1: NTNU-samkøyring (60%)

Du har fått sommarjobb i det nye studentføretaket «EcoTrans» som er starta av nokre miljømedvitne NTNU-studentar. Omorganiseringa til nye NTNU har skapt eit behov for koordinert transport mellom byane Trondheim, Ålesund og Gjøvik. Kvar veke reiser mange tilsette og studentar mellom desse byane, ofte i privatbilar med ledige sete. EcoTrans vil lage eit enkelt datasystem for å stimulere til miljøvenleg samkøyring, og i denne oppgåva skal du skrive nokre kodebitar for eit slikt system.

### 1 Car-klasse (10%)

#### a) Deklarer ei klasse Car.

Car skal ha eit heiltal `freeSeats` som privat medlemsvariabel som indikerer kor mange ledige sete det er i bilen. Car skal også ha to `public` medlemsfunksjonar `hasFreeSeats` og `reserveFreeSeat`. `hasFreeSeats` returnerer `true` om bilen har ledige seter, og `false` elles. `reserveFreeSeat` «reserverer» eit ledig sete ved å dekrementere `freeSeats`-variabelen (du kan gå ut frå at funksjonen berre verte kalla på om det er ledige sete).

Deklarasjonar for medlemsfunksjonane:

```
bool hasFreeSeats() const;
void reserveFreeSeat();
```

#### Nyttig å vite: Const correctness

Det er god praksis å markere medlemsfunksjonar som ikkje endrar objektet med `const`. Dette gjer det enklare å finne feil i koden, og let oss bruke medlemsfunksjonane sjølv om objektet er konstant.

<pre>class NumberClass {     int number; public:     NumberClass(int number)         : number{number} {}      // markert const     int getNumber() const {         return number;     }      // ikkje markert const     void setNumber(int newNumber) {         number = newNumber;     } }</pre>	<pre>int main () {     NumberClass x{3};      int i = x.getNumber(); // OK     x.setNumber(i+1); // OK      const NumberClass y(4);     int j = y.getNumber(); // OK      y.setNumber(j+1); // IKKJE OK!     // Kompileringsfeil:     // kan ikkje kalle ein funksjon     // som ikkje er markert const,     // på eit const objekt }</pre>
---	---

#### b) Deklarer og implementer ein konstruktør som tek inn kor mange ledige sete bilen har.

#### c) Implementer `hasFreeSeats()` og `reserveFreeSeat()`.

Hugs at deklarasjonen skal vere i `Car.h`, og definisjonen (implementasjonen) skal vere i `Car.cpp`.

## 2 Person-klassa (20%)

### a) Deklarer ei klasse `Person`.

Denne skal ha dei private medlemsvariablane `name` og `email`, begge av typen `string`. I tillegg skal klassa ha ein `std::unique_ptr` `Car`, som er ein peikar til ein `Car`. Legg merke til at vi ønskjer å bruke ein peikar og ikkje referanse til `Car`-objektet.

Grunnen til det er fordi ein peikar kan ha verdien `nullptr` og det passar fint for å representere at ein person *ikkje* har bil. Om vi nytta referanse i staden for peikar ville det vorte vanskelegare å representere dette. Dette er godt forklart i læreboka §17.9.1, og mot slutten av det avsnittet er det oppsummert når ein anbefaler pass-by-value, peikar, eller referanse-parameter.

Klassa skal ha ein konstruktør som set `name`, `email` og `car` til verdier gjeve av parameterlista. For `Car` nyttar vi `nullptr` som eit såkalla «default argument» (standard-verdi). Det tyder at konstruktøren kan brukast med berre de to første parametrane, og då vil den tredje få denne standard-verdien. Sjå også nyttig-å-vite-boks om dette temaet. Deklarer ein `get`-funksjon både for `name` og `email`. Deklarer også ein `set`-funksjon for `email`.

**Hint:** For å bruke `std::unique_ptr` må ein inkludera headerfila `<memory>`. For `std::string` må headerfila `<string>` inkluderast.

#### Nyttig å vite: `std::unique_ptr` og `std::shared_ptr`

**Kva er ein `std::unique_ptr`?** `std::unique_ptr` er ein smartpeikar som *eig* og handterer eit anna objekt gjennom ein peikar, og slettar automatisk minnet som tilhøyrrer objektet når `std::unique_ptr`-instansen blir destruert. Når ein `std::unique_ptr` blir oppretta kallar han automatisk `new`, og når han går ut av skop kaller han sjølv `delete`. Dette vil seie at vi slepp å bruke `new` og `delete` når vi skal bruke dynamisk allokerde objekt. Merk at dette faget berre er ein liten intro til det man kan gjere med `std::unique_ptr`.

**Korleis opprette ein `std::unique_ptr`?** C++14-funksjonen `std::make_unique` brukes for å lage eit nytt `std::unique_ptr`-objekt. Han allokerer òg nødvendig minne til objektet `std::unique_ptr` handterer.

```
/* Her opprettast ein unique_ptr som handterer eit Student-objekt.
   Argumenta til funksjonen blir gitt direkte til Student-konstruktøren. */
std::unique_ptr<Student> s1 = std::make_unique<Student>("daso",
                                                    "daso@stud.ntnu.no");

/* Vi kan òg bruke auto når vi opprettar ein unique_ptr. */
auto s2 = std::make_unique<Student>("lana", "lana@stud.ntnu.no");
```

**Korleis bruke ein `std::unique_ptr`?** Derefereringsoperatoren (\*) og piloperatoren (->) blir brukt som om det er ein vanleg peikar.

```
std::cout << s1->getName() << '\n';
std::cout << *s2 << '\n';
```

Ein `std::unique_ptr` *eig* objektet det peikar til (berre ein `std::unique_ptr` kan peike på eit objekt om gangen) — den tillèt ikkje peikaren å bli kopierte. (Viss vi hadde kunnet kopiere ein `std::unique_ptr` og ein av peikarane hadde gått ut av skop, ville objektet vorte sletta, og dei gjenverande `std::unique_ptr` ville peika til minne vi ikkje veit kva inneheld.) Derimot kan eigarskapet overførast vha. `std::move`. Vi seier at `std::move` *overfører eigarskapet* av objektet.

```

/* Overfører eigarskap frå s1 til s3. */
std::unique_ptr<Student> s3 = std::move(s1);
/* Verdien til s1 er nå udefinert. */
/* Kodelinjen under vil ikkje kompilere, for std::unique_ptr kan ikkje bli
kopiert*/
// auto s3 = s1;

```

Etter denne operasjonen er `s3` ein `std::unique_ptr` som eig det `Student`-objektet som `s1` tidlegare eigde. `s1` er derimot i ein «gyldig men uspesifisert» tilstand.

Nokre gangar ønskjer vi å la andre bruke objekta som blir peika til av `std::unique_ptr`-instansen utan å overføre eigarskapet. Vi kan da få tak i den underliggende peikaren, vha. medlemsfunksjonen `get`.

```

void printStudent(Student* sPtr);
printStudent(s2.get()); /* s2.get() returnerer den underliggende
peikaren.*/

```

Medlemsfunksjonen `get` kan òg bli brukt til å sjekke om ein `std::unique_ptr` har eit tilknytta objekt, ved å samanlikne med `nullptr`.

```

if (s1.get() != nullptr) {
    std::cout << "S1 contains an object\n";
} else {
    std::cout << "S1 does not contain an object\n"; // <- Dette skrivast ut
}
if (s3.get() != nullptr) {
    std::cout << "S3 contains an object\n"; // <- Dette skrivast ut
} else {
    std::cout << "S3 does not contain an object\n";
}

```

`std::unique_ptr` kan verke vanskeleg, men ikkje overkompliser det! Tenk på det som ein vanleg peikar, bare at han eig objektet han peikar på og dermed har ansvar for å fiks minnet til objektet sjølv. Og siden det blir krøll viss fleire skal eige det same objektet, kan ein ikkje ha meir enn ein `std::unique_ptr` til eit objekt, så dersom ein anna `std::unique_ptr` skal peike dit må ein «`std::move`» eigarskapet.

`std::shared_ptr` fungerer på mange måtar likt, men objektet han peikar på kan nå bli eigd av fleire `std::shared_ptr`s. For kvar peikar du da har til objektet vil ein teljar legge til ein. Viss peikarane går ut av skop, eller blir fjerna, vil teljaren reduserast med ein, og først når den siste `std::shared_ptr`-en går ut av skop, blir objektet sletta.

#### b) Implementer konstruktøren og `get`-/`set`-funksjonane frå førre deloppgåve.

Bruk initialiseringsliste i konstruktøren.

#### c) Lag medlemsfunksjonen `hasAvailableSeats()`.

Funksjonen returnerer `true` om personen eig ein bil og bilen har ledige sete.

#### Nyttig å vite: default arguments

For å unngå at ein skal definere fleire ulike funksjonar som gjer det same, men har ulik tal på parametrar i parameterlista, så finnst det *default arguments*.

Til dømes kan ein funksjon som alltid skal leggje saman to tal vere standardisert til å inkrementere det første argumentet med ein, dersom det andre argumentet ikkje er oppgjeve. I staden for å lage to funksjoner som gjer same arbeid eller kallar på ein annan, er det formålstenleg å samle dei. Dette kan ein også bruke med medlemsfunksjonar i klassar.

```

void Adder(int a, int b = 1);

```

```
//void Adder(int a = 1, int b); // Gir kompileringsfeil

int main() {
    Adder(42, 42); // a+b=84
    Adder(42); // a+b=43
}

void Adder(int a, int b) {
    cout << "a+b=" << a+b;
}
```

Default argument skrivast i deklarasjonen, men ikkje i definisjonen. Argumenta som har default-verdi må også skrivast sist i parameterlista.

**d) Overlast operator<<, som skal skrive ut innhaldet i Person til ein std::ostream.**

**Drøft:**

- Kvifor bør denne operatoren deklarerast med const-parameter? (t.d. const Person& p)
- Når bør vi, og når bør vi ikkje (ev. kan ikkje) nytte const-parameter?

Hugs å inkludere <iostream>.

**e) Skriv testar for Person i main().**

Opprett fleire personar, og prøv å teste ulike tilfelle (t.d. har personen bil? Kva med når personen ikkje har bil?).

*Tips: Viss vi opprettar ein std::shared\_ptr til ein Person, må vi lage eit Person-objekt ved å bruke new og ikkje std::make\_shared. std::make\_shared kan berre brukast når objektet har ein kopikonstruktør. std::unique\_ptr har ikkje ein kopikonstruktør, og ein std::unique\_ptr som medlemsvariabel gjer at default kopikonstruktøren til klassen slettast.*

### 3 Meeting-klassa (30%)

**a) Deklarer ein scoped enum, med namn Campus, som inneheld verdier for dei ulike byane (Trondheim, Ålesund og Gjøvik). Overlast operator<< for Campus, som skal skrive campusnamnet til ein ostream.**

La deklarasjonen av enum class Campus liggje i Meeting.h.

**b) Definer klassa Meeting.**

Klassa skal ha følgjande private medlemsvariablar:

```
int day;
int startTime;
int endTime;
Campus location;
std::string subject;
const std::shared_ptr<Person> leader;
vector<std::shared_ptr<Person>> participants;
```

Implementer get-funksjonar for day, startTime, endTime, location, subject, og leader som ein del av klassedefinisjonen.

Hugs å inkludere nødvendige headerfilar, til dømes <vector>.

**c) Lag medlemsfunksjonen addParticipant.**

Den skal ta inn ein std::shared\_ptr til eit Person objekt og leggje den inn i participants.

- d) Lag ein konstruktør for `Meeting`-klassa som tek inn `day`, `startTime`, `endTime`, `location`, `subject`, og `leader`.

Hugs at møteleiaren også er ein deltakar.

- e) **Teori:** Når vi opprettar eit `Meeting`-objekt, korleis blir det allokerde minnet rydda opp når vi slettar objektet eller stoppar programmet?

- f) Lag funksjonen `getParticipantList()`.

Dette skal vere ein medlemsfunksjon i `Meeting`. Funksjonen har ingen parametrar og returnerer ein `std::vector<std::string>` med namn på deltakarane.

- g) Overlast operator<< for `Meeting`.

Denne operatoren skal IKKJE vere ein friend av `Meeting`. Du står fritt til å velje format sjølv, men du skal skrive ut `subject`, `location`, `startTime`, `endTime`, og namnet på møteleiaren. I tillegg skal han skrive ut ei liste med namna på alle deltakarane.

Test funksjonen din frå `main()`.

- h) Skriv funksjonen `findPotentialCoDriving`.

Dette skal vere ein medlemsfunksjon i `Meeting`. Funksjonen skal ta inn eit anna møte, og skal returnere ein vektor med `Person`-peikarar. Vektoren skal bestå av alle personar frå det andre møtet som:

- har ledige plassar i bilen sin og
- der det andre møtet
  - er på same stad som `this`-møtet,
  - er på same dag som `this`-møtet,
  - har start-tid som er mindre enn ei time forskjellig frå start-tida til `this`-møtet, og
  - har slutt-tid som er mindre enn ei time forskjellig frå slutt-tida til `this`-møtet.


*Hint: Funksjonen vil ha følgjande returtype: `std::vector<std::shared_ptr<Person>>`.*

*Hugs `const correctness`.*

## DEL 2: GUI for samkøyring og møteplanlegging (40%)

For å gjere programmet meir brukarvenleg vil dykk lage eit grafisk brukargrensesnitt (GUI) der passasjerar kan melde seg inn. Den skal ha to tekstfelt, eit for å skrive inn passasjerens namn og eit for e-post. Det skal også vere to knappar: ein for å leggje til personen og den andre for å avslutte programmet.

Før ein går laus på kodinga til eit GUI, er det veldig lurt å danne seg ei skisse for korleis vindauget skal sjå ut. Det er også lurt å namngje alle ulike avstandar i vindauget. Dette er delvis slik ein ikkje treng å sjonglere alle dei ulike verdiane i hovudet, men mest fordi ein då kan endre på alle felles avstandar på ein stad. Under kjem ei mogeleg skisse av GUI-et der kvar farge er kopla til ein variabel. Det er ikkje eit krav at du følgjer denne skissa, men alle elementa skal vere med til slutt.



Alle variablar og funksjonar i resten av oppgåvene skal vere medlem av vindaug-klassa vi lagar.

### 4 Oppretting av GUI (20%)

Til denne oppgåva skal vi bruke `AnimationWindow` slik vi har gjort før, noko som gjer at vi overlet programstyringa til vindauget sjølv. I praksis tyder det at vi må lage vår eiga vindaug-klasse som arvar frå `AnimationWindow`, og at klassa skal styre programmet.

Vidare skal vi nytte widgetsene `TDT4102::TextInput` og `TDT4102::Button`. Som ein må nytte `#include "widgets/TextInput.h"` og `#include "widgets/Button.h"` for å kunne bruke.

- Lag ei ny klasse `MeetingWindow`, som arvar public frå `AnimationWindow`, og konstruktøren `MeetingWindow(int x, int y, int w, int h, const string& title)`.**  
Plasser klassesdeklarasjonen i `MeetingWindow.h`. Sidan `AnimationWindow` ikkje har ein default-konstruktør, så må du kalle `AnimationWindow`-konstruktøren i initialiseringslista, der argumenta skal vere dei du tok inn i `MeetingWindow`-konstruktøren. La konstruktør-kroppen stå tom inntil vidare.
- Lag eit `MeetingWindow`-objekt i `main()`.** Lag eit objekt av typen `MeetingWindow` i `main()`. Prøvekøyr koden, du skal få opp eit blankt vindaug. *Tips: nytt `wait_for_close()` funksjonen for at vindauget skal haldast oppe fram til brukaren lukkar det.*
- Før du byrjar på å leggje inn element, er det lurt setje inn nokre heiltal i klassa som definerer oppsettet i vindauget.** Sjå skissa over for eit forslag. Sidan desse ikkje skal endrast og er definerte før kompileringa, er det lurt å deklarere dei `static constexpr int` og gi dei verdiar direkte i `.h` fila.

**Nyttig å vite: static og static constexpr**

Ein statisk medlemsvariabel er ein variabel som er felles for alle instansane av klassa. Ein kan skriva `static` før medlemsvariabelen for å sikre seg at det berre finnast ein kopi av variabelen når programmet blir køyrt, i staden for ein kopi per objekt som lagast i klassa.

`inline` trengst for å kunna initialisera statiske variablar i klassesdefinisjonen.

Å deklarerer ein variabel som `constexpr` gir kompilatoren beskjed om at variabelen skal evaluerast ved kompilering. Det gir oss også moglegheita til å bruke variabelen i `constexpr` funksjonar som kan evaluerast ved kompilering. Ein variabel som er `static constexpr` er difor felles for alle instansane av klassa, og evaluerast ved kompilering. Dette betyr også at den kan (og må) initialiserast direkte i `.h`-fila til klassa. På denne måten oppnår ein raskere køyring av koden, fordi den eine kopien av variabelen allereie er evaluert ved kompileringa og treng aldri å evaluerast igjen.

**Nyttig å vite: Kort om callback**

Ein callback-funksjon er ein funksjon som blir kalla når du trykkjer på ein knapp i GUI-et. Den skal ikkje ta inn nokon parametrar og returnera void. For å knyta ein callback-funksjon til ein knapp brukar vi `setCallback()` funksjonen til knappen. Les meir om callback-funksjoner [her](#)

- d) **Deklarer og definer en callback-funksjonen void `cb_quit()`.** Denne callback-funksjonen skal nyttast av avslutnings-knappen, så derfor må den kalle den arva medlemsfunksjonen `close()` som avsluttar vindauget.
- e) **Legg inn eit `TDT4102::Button`-objekt, `quitBtn`, som privat medlemsvariabel.** `quitBtn` må konstruerast i initialiseringslista til `MeetingWindow`. `quitBtn` legges til vindauget ved å bruke `add(quitBtn)` i funksjonskroppen til `MeetingWindow`-konstruktøren. `quitBtn` skal bruke `cb_quit` som callback-funksjon, og det gjerast ved å kalle `setCallback(std::bind(MeetingWindow::cb_quit, this))` på `quitBtn`. Prøv å køyre programmet her og sjå om det funkar som forventa.

**5 Person-funksjonalitet (20%)**

I denne oppgåva skal me leggja til eit par widgets til skjermen. Her er det viktig å passa på at ingen av widgets-ene ligg oppå kvarandre. Då vil dei ikkje oppføra seg som forventa.

**Merk:** På nokre maskiner vil input felte oppføra seg rart. Det gjer at ein må markera teksten i inputfeltet og sletta han før ein kan skriva noko der, sjølv viss det ikkje står noko i inputfeltet!

- a) **Legg til to `TDT4102::TextInput`: `personName` og `personEmail`.** Desse er to innskrivingsfelt for parametrane til ein ny `Person`. Desse må også leggest til vindauget på same måte som `quitBtn`.
- b) **Legg inn `vector<shared_ptr<Person>>` `people` som ein medlemsvariabel, og så definer og implementer ein ny funksjon, void `newPerson()`.** Denne vektoren skal innehalde peikarar til alle personar som vert lagt til gjennom tekstboksane. `newPerson` skal lese det som er skrive inn i tekstboksane og leggje til ein ny person i vektoren med desse argumenta. Dette skal vere eit anonymt/namnlaust objekt, så her må du bruka `new`:

```
people.emplace_back(new Person{/*Dine argument*/});
```



For å hente innhaldet i tekstboksane, må du kalle funksjonen `getText()` på innskrivingsfeltet. Sjekk også om ein av parametrane manglar, slik at det ikkje leggjast til ufullstendige personar. Hugs også å tømme tekstboksane kvar gang du leggjer til ein person, ved at kalla funksjonen `setText()`.

- c) **Legg til ein ny `TDT4102::Button`, `personNewBtn` med ein tilhøyrande callback-funksjon, `cb_new_person()`.**

Callback-funksjonen skal kalle `newPerson()`.

- d) **Test om programmet fungerer som venta.**

Ein enkel måte å gjere dette på er å lage ein `public` funksjon som printar alle personane i `people`-vektoren. Denne funksjonen kan du kalle i `main()`.

## 6 Utviding av GUI (Frivillig)

I denne oppgåva kan du fullføre GUI-et for samkøyringa. Det skal no verte to sider: ei for **Person** og ei for **Meeting**. Ein skal kunne sjå alle møte/personar som er innførte og kunne leggje inn nye. Vindauget skal ha ein knapp for å avslutte, to knappar som respektivt byttar til **Meeting**- og **Person**-sida, eit tekstfelt for informasjon, eit felt for kvar parameter å leggje inn, og to knappar som respektivt legg til ein ny **Person** eller **Meeting**. I tillegg skal det vere to felt der du kan velje ein person å leggje til eit spesifikt møte, og ein knapp som utfører dette.

**a) Legg til ein ny TDT4102::TextInput, personSeats.**

Denne skal du bruke for å gi personane ein bil i `newPerson`. Dersom `personSeats` har eit tal som er større enn null lagar du eit `Car`-objekt og gir peikaren til denne til **Person**-konstruktøren. Sjøføren må først ha plass, så du må også "reservere" eit sete i `Car`-objektet! *Tips: Du kan gjere om frå `string` som du får frå å kalle `getText()` på `personSeats`, til `int` ved hjelp av funksjonen `stoi("ein streng")`. Den konverterer "ein streng" til heiltal.*

**b) Legg til ein ny TDT4102::TextInput, personData, som privat medlem.** Dette skal vera eit større tekstfelt der det er plass til fleire linjer. Det skal fungere som display i vårt GUI, og skal vise personene som har blitt lagt inn.

**c) Lag to nye funksjonar, void showPersonPage() og void showMeetingPage().**

Desse skal vi bruke til å bytte mellom **Person** og **Meeting** sidene. For å gjere dette, må `showPersonPage()` kalle medlemsfunksjonen `setVisible(true)` på alle element som er knytta til den sida, medan `showMeetingPage()` må kalle `setVisible(false)`. Det omvendte gjeld for alle komande element som vert knytta til **Meeting**-sida.

**d) Legg til to TDT4102::Buttons, createPersonButton og createMeetingButton, med to tilhøyrande callback-funksjonar, cb\_persons() og cb\_meetings().**

Callback-funksjonane skal respektivt kalle `showPersonPage()` og `showMeetingPage()`.

**e) Legg inn fire nye TDT4102::TextInput til Meeting-sida: meetingSubject, meetingDay, meetingStart, og meetingEnd.**

Desse skal vi seinare bruke for å leggje inn **Meeting**-objekt. Nå er det lurt å kalle `showPersonPage()` på slutten av **MeetingWindow**-konstruktøren.

**f) Legg inn to TDT4102::DropDownList til Meeting-sida: meetingLocation og meetingLeader.**

`TDT4102::DropDownList` lagar ei rullegardinliste. For å leggje til eit val må du kalle funksjonen `add` med ein strengparameter. Legg inn dei tre relevante stadane til `location` i rullegardinlista `meetingLocation` vha. **MeetingWindow**-konstruktøren. Utvid `newPerson` til at namnet til den nye personen leggst til som eit val i `meetingLeader`. Dette kan gjerast ved å bruka metoden til `TDT4102::DropDownList` som heiter `setOption()`. Denne tek inn ein parameter av typen `vector<string>` med alle val som skal visast i rullegardinlista. Denne metoden vil då oppdatera rullegardinlista til å vise de vala som står i `vector`-en.

**g) Legg inn ein ny funksjon, void newMeeting(), ein callback som kallar denne, cb\_new\_meeting(), og ein knapp med denne callbacken, meetingNewBtn.**

`newMeeting` skal lese parametrar frå felte og konstruere eit **Meeting** i ein ny `vector<unique_ptr<Meeting>>`, `meetings`. `TDT4102::DropDownList` har medlemsfunksjonen `getValue()` som returnerer posisjonen til valet i lista, så bruk dette for å finne rett stad eller rett møteleiar i vektoren over personar. Hugs å sjekke om parametraner er gyldige.

**h) Lag eit display, meetingData**

Dette displayet skal vise alle møtene som er lagt til i GUI.